

第一六九冊

方輿彙編

職方典

雷州府部

瓊州府部

(卷)

二五〇一三五

二五〇一三五

古今圖書集成

中華書局影印

欽定古今圖書集成方輿彙編職方典

第一千三百七十卷目錄

雷州府部彙考四

雷州府田賦考二

雷州府風俗考

雷州府祠廟考 寺觀附

職方典第一千三百七十卷

雷州府部彙考四

雷州府田賦考二

徐聞縣

順治十一年七寇王翰黃占三等占據西土人

民逃散稅糧無稽

康熙三年遷海版籍未定稅糧無考

縣原額官民田共稅三千二百零二頃八十六

畝四分八釐七毫內除荒遷無徵外康熙十一

年尚存徵熟田地塘稅三百七十七頃一十一

畝六分二釐五毫九絲四忽六微

應徵銀一千二百一十一兩一錢二分四釐六

毫

應徵本色米二百一十六石六斗六升六合

地丁共銀一千五百二十三兩四錢九分零六

毫四絲六忽五微起運運間共銀一百五十一

兩三錢八分一釐七毫四絲七忽六微八纖七

沙五塵存畱額編兵餉及畱縣備支官役俸食

均平驛傳軍器料解戶水腳曆日額外等項連

間共該銀一千三百七十二兩一錢零八釐八

毫九絲八忽八微一纖二沙五塵內除驛傳連

間共銀九兩三錢七分二釐九毫五絲一忽尚

存實徵連間共銀一千三百六十二兩七錢三

分五釐九毫四絲七忽八微一纖二沙五塵

差壯銀八百一十兩零三錢九分六釐五毫七

絲四忽備支府縣官役俸食心紅等項用

均平銀五十八兩九錢八分五釐畱支春秋二

祭無祀鬼神等項用

康熙二十五年縣均平額銀七百六十四兩六

錢三分九釐八毫八絲

歲辦派數

拜牌習儀香燭銀五錢

祭山川銀一十四兩七錢祭啓聖鄉賢銀一十

四兩五錢四分二次祭丁銀三十六兩

祭社稷銀一十二兩四錢厲壇三祭共銀一十

五兩曆日銀二兩門神桃符銀一兩四錢

迎春土牛芒神牲醴祈雨晴護日月食香燭銀

四兩

鄉飲銀八兩本縣朔望行香講書紙筆銀四兩

季考生員銀二兩

縣所操練犒賞軍兵銀四兩

守巡二道閱操犒賞銀七兩五錢解海康縣湊

支

分守道油燭銀八兩解海康縣湊支

支

上司經過紙劄油燭米菜銀二兩零五分二釐

查盤委官紙劄油燭米菜銀三兩六錢八分八

釐夫馬銀二百四十兩

來降夷人稻穀銀二千五百兩

孤老口糧銀六兩三錢六分

府學歲貢生盤纏花紅羊酒銀二十四兩六錢

六分七釐

額辦派數

察院考試生員卷餅花紅銀一十三兩察院閱

操犒賞軍銀二兩

修補知縣轎傘銀二兩

應朝官員造冊酒席銀四兩

應朝回任典史什物祭祀銀二兩八錢六分六

釐七毫

賀新進士旗扁花紅羊酒銀一兩一錢六分六

釐九毫

迎宴新舉人旗扁花紅酒席連府共銀二兩九

錢四分九釐五毫

起送會試舉人酒席銀三兩九錢二分六釐

縣學歲貢生盤纏花紅酒席銀三十七兩

歲考生員童生入學花紅銀五兩五錢

縣學科舉生員盤纏花紅酒席銀二十兩

府學科舉生員盤纏銀五兩九錢八分六釐五

毫七絲

新官到任合用祭祀酒席執事轎傘小修什物

釐六毫一絲

本縣銀二十兩

縣雜辦派數

原額派銀四十兩續加四十兩一切迎送詔赦香燭陞任官員執事祭江豬羊卷箱損索修補各衙門什物上司使客下程教官出入夫馬發學寫榜紙筆造冊書手工食檢驗什物總參官員役兵經過柴燭米菜察院考試花紅等件俱在此支用

修理各衙宇公館共銀七十兩

除荒遠裁扣外現存均平銀一百零八兩四錢

二分零一毫留支

拜牌銀五錢

迎春銀四兩

曆日銀六錢

春秋二祭銀三十八兩五錢六分無祀鬼神銀一十五兩

孤貧口糧銀六兩三錢六分

府學歲貢生盤纏銀七兩四錢零一毫

會試舉人水手銀三十六兩

雜役

縣均徭無間額銀一千九百零三兩八錢八分

八釐遇閏加銀九十二兩五錢九分八釐六毫

布政司解戶銀七十五兩

分守海北道皂隸工食銀二十一兩六錢遇閏

加銀一兩八錢

梧州府門驛廩給銀一十九兩五錢

會試舉人水手銀三十六兩

本府佐貳并首領柴薪銀七十一兩遇閏加銀六錢

本府直堂門子工食銀七兩一錢遇閏加銀六錢

本府皂隸并各廳一十八名工食銀一百二十二兩四錢遇閏加銀一十兩二錢

本縣知縣主簿典史薪夫七名共銀八十四兩遇閏加銀九兩九錢九分九釐

本縣值堂門子工食銀七兩二錢遇閏加銀六錢

本縣值堂并各廳皂隸工食共銀一百一十五兩二錢遇閏加銀九兩六錢

禁子工食刑具共銀四十四兩八錢遇閏加銀三兩七錢三分三釐二毫

儒學齋夫四名工食銀四十八兩遇閏加銀四兩

膳夫二名銀四十兩遇閏加銀三兩三錢三分三釐三毫

聖殿門子一名工食銀六兩遇閏加銀八錢六分六釐六毫

分守海北道門子工食銀五兩遇閏加銀四錢一分六釐六毫

預備海錦斗倉斗級工食銀三十兩零六錢遇閏加銀二兩五錢五分

際畱倉斗級工食紙劄銀一十七兩九錢六分八釐遇閏加銀一兩二錢

鋪兵工食并赤曆等項銀二百四十七兩七錢二分遇閏加銀一十九兩八錢

各處渡夫工食并修船銀一十二兩六錢遇閏加銀八錢

弓兵工食共銀一百一十五兩二錢遇閏加銀九兩六錢

裁扣充餉銀六百四十五兩五錢

按前項均徭銀兩此該縣原額舊制也因遷荒無徵錢糧不敷間有支給盡入在均平差壯等項之內姑存之以備考

縣民壯額銀一千二百八十七兩二錢遇閏加銀一百零九兩八錢

守城民壯一百三十八名無間工食銀九百九十三兩六錢遇閏加銀八十二兩六錢

雜差守庫民壯五十四名無間工食銀三百二十四兩遇閏加銀一十七兩餘扣解充餉銀六十九兩六錢

除荒遷裁扣連閏共現徵銀八百一十兩零三錢九分六釐五毫七絲四忽備支府縣官役俸

食心紅等項用

鹽鈔額銀二百六十四兩五錢三分八釐有閏加銀一十三兩七錢一分一釐五毫

雜稅

棉花舊有稅今免

按舊志刻例碑俱裁船載檳榔數以貨之多寡爲稅之重輕今則俱係手車陸運路數輪納檳榔青每籠稅銀三分正計四千箇爲一籠

檳榔鹹每籠稅銀三分正計一萬箇爲一籠

檳榔乾每萬箇稅銀二分正

檳榔玉每百斤稅銀二分正

綿花紙茶木板鹹餼苦油等項今俱不徵蓋先
年禁革已久也

山坡稅 遞年納銀一百五十二兩解府充餉

按舊志徐聞五十兩餘則各社耕坡人戶派徵
其稅起於嘉靖四十一年派各社戶墾耕辦納
自

皇清清丈後墾熟者陞科

牛稅 遞年額銀一百二十兩解府充餉按舊

志稅在府北十里拱宸墟按季委官抽收各年
商販牛隻多寡不一遇多溢額盡報循環遇少
缺額亦照收數起解以補足凡販牛自海康徐
聞來俱於此報稅

原額官民田地共稅三千二百零二頃八十六
畝四分八釐七毫內除荒遷無額外康熙二十
五年尚存徵熟官民田地山塘共稅四百八十
頃零一十八畝六分一釐五毫一絲九忽四微
應徵銀一千四百四十六兩二錢三分零一毫
八絲四忽遇閏加銀一十八兩五錢五分八釐
六毫一絲

應徵本色米二百二十三石零七合五勺

地丁共銀二千零七十兩三錢六分六毫一絲

九忽遇閏加銀四十七兩一錢七分一釐六毫

五絲四忽

又徵雕漆衣裝銀三兩五錢九分八釐九毫遇

閏加銀二錢九分九釐九毫本色物料溢價原
本改折共銀二十八兩零九分六釐二毫陞科
米銀一十六兩六錢四分九釐九毫魚課銀三
十一兩三錢一分此項銀兩係在通縣成熟稅
畝派抵徵解

通縣地丁共銀二千一百五十兩零一分五釐

六毫一絲九忽遇閏加銀四十七兩四錢七分

一釐五毫五絲四忽內起運地丁連閏共銀一

千零八十六兩一錢七分四釐五絲九忽現徵

起解尚畱縣備支官役俸食均平驛傳會試水

手新復廩糧等項連閏共銀一千一百一十一

兩三錢一分三釐一毫一絲四忽內除驛傳連

閏共銀九兩三錢七分二釐九毫五絲一忽

尚存實徵連閏共銀一千一百零一兩九錢四

分一毫六絲二忽內畱支本縣俸銀四十五兩

門皂快等役九十五名工食銀二百七十九兩

四錢六分五釐五毫零四忽禁卒八名工食銀

三十一兩鋪兵三十二名工食銀一百一十八

兩

廩生二十名支廩糧銀四十八兩膳夫工食銀

一十三兩三錢三分三釐三毫四絲

典史俸銀三十一兩五錢二分門皂馬夫六名

工食銀一十一兩

訓導俸銀三十一兩五錢二分齋門五名工食

銀三十兩

寧海司俸銀三十一兩五錢二分皂隸三名工
食銀六兩

東場司俸銀三十一兩五錢二分皂隸二名工
食銀六兩

府同知俸銀八十兩門皂各役工食銀一百四

十兩零八分三釐三毫四絲

府學俸銀三十一兩五錢一分門齋工食銀一

十五兩

拜牌習儀銀五錢

迎春土牛銀四兩

春秋二祭銀三十八兩五錢六分

祭無祀銀一十五兩

孤貧銀六兩三錢六分

解戶水脚銀三十六兩

歲貢盤纏銀七兩四錢零一毫

會試水手銀三十六兩

典史馬夫銀二十一兩

魚課 原額無徵虛實米共銀一百二十五兩

四錢二分五釐一毫內康熙二十四年報復魚

課虛米共銀二十一兩九錢八分零八毫四絲

五微五纖無徵魚課銀一百零三兩四錢五分

四釐二毫五絲九忽四微五纖現在召募又魚

油料銀五十八兩六錢一分六釐二毫遇閏加

銀一十三兩蠶戶逃絕全荒無徵

稅契 原額徵銀五十兩康熙二十三年奉文

加增銀二十兩遞年足徵起解

雜稅 原額應徵銀一百一十兩零九錢八釐

康熙十九年奉文加增榔稅銀一百三十兩遞
年徵完起解

南工匠價 原額應徵連水脚銀一十兩零八錢八分六釐四毫連閩水脚共銀九錢零七釐二毫遞年徵完起解康熙四年巡撫王來任奏革各里長值月夫役

雷州府風俗考

府志

府總

雷地僻濱於海俗尚樸野宋時爲名賢遷謫之鄉聲名文物多所濡染明初風教遠訖雷是時人物最盛蟬聯縷組軼於他郡天順間重罹兵燹俗乃凋敝弘治以來生聚訓養雷稍稍復舊科第亦振起不絕庠序知向學秉禮義見長者則遜而下之里甲嚴事官府徵科如期靡敢捍法惟鄉村小民或輕生敢鬪然亦不能堅訟向久則釋俗喜賓客飲食宴會豐美有上國風土曠而穀賤人慮於耕作不事蓄聚故雷無萬金之產即稱素封者不過免饑寒而已販易惟檳榔魚菜米穀食物木石技作俱自廣州陶冶諸工無甚奇巧土多布多麻而葛布爲上常服止綿葛非慶賀不服縐絹士大夫家多行朱子家禮冠三加婚納采納幣奠鴈一如儀喪重殯殮卒哭大小祥咸有陳奠葬亦擇墳塋民間或不知冠禮娶重裝奩雖貧乏強效之費用鼓吹武

弁家或列軍儀名器芻靈競爲巧飾至殯葬則略貧者或用火葬歸則祓於巫有病則請巫以禱罕用藥餌大家婦女不出閨門日事紡績鄉落之婦尤勤其街市貿易皆使婢賤獲此雷地習尚之大較也

遂溪風俗視海康尤樸其地廣而人稀農畝於耕其習尚有二縣西北徭民雜處官路西鮮習茲誦惟以漁獵採樵爲事人多狡悍官路東業詩書故子弟知禮義遂人婚嫁往往有東西路之別焉巨族多建祠堂合祭新婦謁祠子姓畢集有尊祖聚族之義

徐聞俗尚樸侈不齊城中冠服大類中州子弟競於學有鄒魯風鄉村率事簡略器用蠲拙性悍喜鬪西北土瘠俗淳東南土沃習於纖滴而尊巫其蔽一也

雷之語三有官語即中州正音也士大夫及城市居者能言之有東語亦名客語與漳潮大類三縣九所鄉落通談此有黎語即瓊崖臨高之音惟徐聞西鄉之言他鄉莫曉大抵音兼角徵蓋角屬東而徵則南也雷地盡東南音蓋本諸此耳東語已謬黎語益侏僂非正韻其執齊之雷俗樸屋宇多簡陋蓋濱海多風地氣復濕風則飄搖湯湯晝朽城中惟官署始用磚石差可耐久里巷則土垣素壁僅蔽風雨而已不數年俱圯壞豪族宇頗完美然亦稀觀鄉落間瓦蓋者少農家竹籬茅舍有太古風但終歲拮据未可以爲安也

立春 先一日所屬有司晨至東門外迎春公署關內小民各辦雜劇俟祭芒神畢諸邑人前導迎春以入老稚咸集通衢看土牛或灑以粟稻名曰消疹是日啖春餅生菜

元旦 風興祀祖禮畢乃拜所親出賀閭里親友是日酌柏酒燒爆竹

上元 先數日作燈市剪綵爲花獻神廟寺觀遍懸公署每夜設火樹鞭鞭放爆竹烟火粧鬼判雜劇絲竹鑼鼓迭奏遊人達曙

二月上戊 鄉民祭社所穀權飲是夕擊鼓逐疫

清明 先數日家各載酒殺登壘墓祭掃男女俱簪柳枝謂之明日

四月八日 浮屠氏浴佛爲龍華會

端午 衆往觀競渡好事者懸銀錢於竿龍舟競奪之謂之奪標是日設菖蒲酒東角黍祀祖閭里相餽遺懸艾虎於門童子鬪百升

六月六日 祀竈各曬衣服祛蠹濕

中元 薦殺醬楮衣祀祖爲蘭盆會

中秋 家設酒殺蒸芋賞月

重陽 攜榼於樓臺會飲謂之登高

冬至 有司夙興拜節交賀是日各家祀祖

臘月二十四日夕 祀竈用電經曰送竈神升天

除夕

設酒殺祭祖閭里相餽遺是夕燒爆竹

堂宇皆燃燈謂之守歲

雷俗在數百年前頗有古風訟不甚誕請托黃

緣亦所不事賦不甚通及時催徵未有不踴躍以赴昔司理歐陽公保已洞言之今日則不然矣

雷州府祠廟考

府志

本府

風雲雷雨山川壇 在天寧寺西每春秋仲月上巳日祭焉

社稷壇

元天曆廉訪使賈煥建於府治西南三里王士熙記明初遷於城西北天寧寺後後漸傾圮遺址尚存仲春秋上戊日祭

郡厲壇 在府治北二里春祭用清明秋用七月望日冬用十月一日

颶風壇 原在府東十里明嘉靖戊戌郡守洪富因颶風頻年煽害乃即海岸為壇每年夏秋冬孟月朔日行祈報禮今改遷於郡北郊五里設壇聖祭

城隍廟 在府治東鎮寧坊

伏波廟 在郡治西南一里許西漢邳離侯路博德東漢新息侯馬援二公並建皆伏波將軍號有功於嶺南雷人立祠祀之南漢宋元皆封諸為王

英山雷廟 在郡城西南八里英榜山古記陳

大建間文王登第為本州刺史歿後神靈顯著州人立祠祀之鄉稱為雷種故以雷名廟南漢大有十三年封靈震王開寶初增封靈顯明昭德王

天師廟 在東城門外舊有北府祠明萬曆四

十一年公舉之鄉民陳觀瑞等呈府准建天師廟宇二座門樓一座扁曰福國庇民

皇清癸巳年海北南道陳嘉善合郡文武官復建上座乙巳年本府知府陳允忠闔郡文武鄉紳士民復建中座門樓郡人洪泮沐有記

關王廟 在府治東北朝天街

寧國夫人廟 在郡城南寧國坊五代間聲教不暨以強凌弱郡有一女子或云姓李勇敢強力衆咸信服相與築城禦寇女子為之帥南漢歸順餘黨剽掠皆為女子所敗一方賴之及歿衆號為寧國夫人立廟祀焉元宣慰使朱郭重建元末傾圮

天妃廟 在郡城外南亭坊廟有銀器祀田監廟者主之

東嶽廟 在郡北城外

旌忠祠 在西湖東宋丞相萊公準乾興元年自道州謫雷州司戶歿於雷邦人立祠祀之事聞於朝紹興五年賜額旌忠咸淳壬申郡守陳大震更為萊泉書院復建西館於祠之右建橫舟亭於湖之傍蓋取萊公西館書懷野水舟橫之義元初復改為平湖書院大德辛丑廉訪僉

事蕭泰登創建先聖燕居堂於中令郡學歸田以供祀事仍名平湖書院時相授山長講學於此歲久傾圮至大二年廉訪使張忽里罕擴而復之至和戊辰廉訪副使李格易其堂宇而新之至順三年經歷郭思誠重修明洪武間通判李希祖修壬戌通判邢用刻像於石成化郡守魏瀚復建橫舟亭亭之前鑿池豎扁曰瑞星池以公存時有星降於池之故也祠外開井名曰萊泉祠內東西建二坊東十賢堂扁曰名賢西祠郡守秦時中扁曰名宦前建石坊牌扁曰旌忠萊公祠弘治壬戌巡撫兩廣潘蕃提兵駐雷命推官李文獻重修嗣後守郡者相繼修葺嘉靖辛丑巡撫兩廣蔡經提兵征黎駐雷謁廟願瞻額圮委府重修葉守以憂去署府事高州同知戴嘉猷代董其役值颶風作賢宦祠俱壞嘉猷竭力補葺之祠乃完美今圮

蘇穎濱先生祠 在海康治西南一里許紹聖五年蘇轍謫雷州去後毛當時慕其風烈即其故居建樓祀之嘉熙四年薛直夫於後數十步重修祠祀之黃必昌為記後廢

李忠定公祠 忠定公舊列十賢祠並祭明萬曆二十年提學道羅萬程軍門蕭彥知縣秦懋義議忠定扶宋之功不在寇萊公下宜特祀建祠具祭品祠制始定

忠義祠 在府治東鎮定坊天順二年西寇侵雷民不聊生知縣王麒極力賑撫且奮率民兵迎敵一日大戰那柳村中矢而歿追贈通判賜

方輿彙編職方典第一千三百七十卷雷州府部

第一六九冊 之〇三葉

額忠義弘治癸未推官李文獻遷附秦公祠嘉

靖甲申郡守易養遷復今所嘉靖壬寅知縣楊

澄重修年久傾壞萬曆二年郡守唐汝迪重建

秦公祠 舊在府治愷悌坊公諱時中明洪武

二十年守雷卒於官民思之不忘立祠祀之弘

治戊申郡守鄧璩遷於旌忠祠右知縣林彥修

太監陳榮郡守陳嘉禮繼置田以供祀事

薛公生祠 在郡城內守廉坊蘇祠之東宋嘉

熙間薛直夫鑿渠興水利有功於民去後郡人

立生祠以祀之黃必昌爲記祠宇久廢今併名

賢祠

葉公生祠 在西湖十賢祠東公諱修號永溪

江西南昌人明萬曆二十八年知雷州有惠政

以疾告歸士民戴之立祠以誌不忘

鎮海雷神廟 卽英山廟三殿神祠原飛鐘於

東洋龍頭村自何戴二公開築河渠圩岸創建

廟宇扁曰鎮海雷神祠司理高葉二公潘何戴

渠建碑亭扁曰龍頭宮殿

遂溪縣

風雲雷雨山川壇 在縣治南距城半里許每

春秋仲月上巳日祭

社稷壇 在縣治北距城一里許每春秋仲月

上戊日祭

邑厲壇 在縣治北二里春以清明秋以七月

十五冬以十月一日祭

城隍廟 在縣治西北明洪武二年知縣王淵

建正德二年縣丞陳澄修萬曆己酉知縣羅繼

宗重建

眞武廟 在縣東南隅

關王廟 在通明港明萬曆十四年建三十八

年把總續蒙勳重修

東嶽廟 在縣治西北城隍之右明成化間建

今廢

石牛廟 在第三都英靈村地名石屹立遠望

若牛因以名廟明弘治間太監傅倫陳瑄相繼

修建置田一十三畝以供祭祀教授吳朝陽記

天妃宮 在通明港調蠻村明萬曆十四年白

鶴寨把總童龍建至萬曆三十七年把總續蒙

勳重修

蕭相公祠 在縣治南一里傍塘鋪宋乾道間

有瓊蕭堯使秩滿歸寓此舉家不疾而歿遂葬

鋪側後顯應降巫鄉人建廟祀之又名傍塘廟

置祀田廟久頽明萬曆甲寅知縣歐陽蒙捐俸

重建

羅公生祠 在縣前西明萬曆三十七年士民

感羅繼宗德政故建之

三帥堂 在縣治登俊坊鄉民楊震建

徐聞縣

風雲雷雨山川壇 在南門外一里許

社稷壇 在西門外演武亭東

邑厲壇 在北門外三里許

城隍廟 在縣內西街

伏波廟 蘇軾李綱皆有記

關帝廟 在北門內明崇禎九年閩邑士衿同

建

太華廟 在東門外原北向文塔明崇禎十年

知縣吳國斗移廟向東當道立起三座

三元廟 在縣東門內官路西

北府廟 在北門外二里許

天妃廟 在海康所南門外渡頭往來渡海者

祀之

寺觀附

本府 海康縣附郭

天寧萬壽禪寺 在郡城西關外唐大曆五年

開山岫公創建宋蘇軾渡瓊寓此愛其勝題萬

山第一四大字於門宋南渡李忠定綱亦寓於

此有閣提花三絕至今傳焉郡邑幽勝惟有此

寺宋末毀於兵燹元住持石心師德瓊重建明

洪武十五年重修成化間郡守魏瀚以殿後雷

音堂圯改建懷坡堂郡人羅璋記弘治丙辰太

監陳榮復捐資易堅材修之左右翼兩樓懸以

鐘鼓山門外豎石坊勒東坡四大字於扁寺後

有一覽亭歲時祝釐咸在於此明末寺宇頽圯

皇清順治十五年知府陸彪從卜改建尋壞康熙十

年知府吳盛藻捐貲重修加以潤色增所未備

寺去城半里並建祠接西湖叢林幽靜山環水

遠亦郡之大觀也

廣濟寺 在雷廟之東梁開山僧了容創建名

曰廣教明洪武間僧隆壽改名廣濟去城十里

與雷廟並峙嘉靖元年詔毀淫祠廢

普庵堂 舊在郡城內愷悌坊浴堂之西元泰

定間道人張吉移創城東滑嶺巷年久傾圮大佛三尊移入天寧寺羅漢十八尊移在圓通寶閣提學魏校毀淫祠銅像發學鑄造祭器遺址占爲民居惟井一口餘地一丈餘見存

六祖堂 在郡城南門外調會坊元大德間郡民劉成章往南華請佛安祀指揮魏榮太監陳榮相繼修葺明嘉靖元年提學魏校毀之後坊民相率修復

皇清康熙四年士民同修

晉靈堂 卽慈濟真君在白沙社離城五里久圯明萬曆二十年知縣秦慈義重建堂廢址存

眞武堂 在南關外寧國坊宋寇萊公所舍之傍天聖改元秋杪夜半星隕南園池中萊公使人求之得一石因卽其地建眞武堂郡人欽奉之建炎間郡守以堂近市非便遷天慶觀中由

是海郡連歲不登紹興辛酉郡守胡公遷還舊址明景泰間年久堂傾萬曆元年鄉民黃樸等集衆重修時廟制尚狹萬曆甲辰生員陳瑾鳩金拓基鼎建大堂金飾神像推官高維岳造神龕香亭獨大門仍舊乙巳陳瑾同舉人何起龍等助建牌坊扁勒南台武當廟貌煥然瑾復鳩

金買田六十畝爲香火需

十賢堂 在西湖之上宋咸淳九年郡守虞應

龍建以祀丞相寇準學士蘇軾侍郎蘇轍丞相趙鼎李綱樞密王巖叟編修胡銓正字秦觀李光正言任伯雨也後專祀寇公兵燹以來堂廢併附入旌忠祠郡祭寇公次祭諸賢明弘治壬

戌推官李文獻重建堂三間附於寇祠之左祀蘇轍以下九公槩扁曰名賢正德丙子提舉章

極郡守王秉良以義起立唐轉運使柳仲郢神牌於此萬曆癸未守道陸萬鍾以李綱相業第一令特立專祠以祀復附御史馮思於名賢祠內以足十賢之數今廢

開元寺 唐時創建在城南調會坊上有石塔高五丈餘宋末寺廢元天曆間重修廢遺址今爲民居惟塔巍然屹立堪與家謂文筆醺墨池狀元聯及第郡因號是塔爲文筆峰本此

元妙觀 在城內鎮寧坊舊有紫微觀宋改爲天慶觀元改元妙觀歲久傾圯明弘治丙辰太監陳榮增廣其地中建三清殿東建城隍堂西建道紀司塑神像三十餘尊宋董世龍余天麒

元張圖南俱有記嘉靖間提學魏校毀淫祠改爲城隍廟有田一項被民侵佃萬曆三十七年知府郭士材同知張應中相繼查復其田一百五十二畝重修殿宇繪塑神像因命道士張元桂掌管今廢

圓通寶閣 卽觀音閣在郡城中正坊阜民橋上元廉訪使卜達世禮創建明正統間張內使重修上有銅佛三尊銅羅漢十八尊後太監陳榮復鑄銅觀音一尊閣高聳清虛勝甲郡城諸

利有田八十石二斗稅四十六畝二分載碑記以供香火嘉靖間提學魏校毀淫祠銅像發學鑄造祭器其田召人承佃
遂溪縣

觀音堂 在縣東城外明萬曆三十六年建通濟庵 在縣南八十里莊家渡宋咸淳間僧

劉宗成就莊氏之地創建先是宗成募緣建通濟石橋跨渡之上陸仁水記故庵因橋名後毀於劫火明洪武五年僧無量重修正統間鄉人鼎建正德改元宗成之後劉佐等再建庵西有書舍後山巔撫松陰爲講堂今廢

湖光庵 宋僧琮師孫氏禪練創建元至大間孫裕等塑佛像三尊孫圭等舍田爲供明洪武間知縣張昭命老人彭九思等重建孫希武爲記有田二十五石稅三十二畝坐落通明舊縣

草洋三處今田廢
西山三殿神 英靈廟之派在八都海濱
徐聞縣

圓通寺 在縣東澄清坊宋紹興間僧創立歲久傾圯明洪武二十年主簿彭用乾爲多火災伐石砌塔七層於寺以鎮之末樂間梁傳教重修

廣德寺 在縣東二十八都元至正庚午僧德琬重建王景賢記平章闕里吉思扁曰廣德寺元末傾圮

崇眞觀 在縣西登雲坊宋景定間創明洪武二十三年知縣蔣生雄重建正德庚午知縣汪澤重建
上元庵 在縣東十六都白石村庵廢址尚存
和福庵 在縣東南二十里和福村歲久傾圮址存

化成庵 在縣東關外衡州僧曉真明萬曆二十三年從瓊募化旃檀佛一尊結草庵以居之仍就路上施茶以飲往來渴者知縣張大猷因捐俸造庵五楹名曰化成四十年同知曹行健知縣孫世芳至庵添建前殿左右兩廂門樓淨堂外鑿井建碑名曰官井以廣其惠往來此者胥賴之

欽定古今圖書集成方輿彙編職方典

第一千三百七十一卷目錄

雷州府部彙考五

雷州府驛遞考

雷州府兵制考

雷州府物產考

雷州府古蹟考

陸基附

職方典第一千三百七十一卷

雷州府部彙考五

雷州府驛遞考

通志府縣志合載

本府

府屬海康遂溪徐聞三縣發各驛支應銀六百六十五兩五錢一分六釐四毫六絲遇閏加銀四兩二錢又海康遂溪二縣議增雷陽城月桐油三驛添雇馬夫銀三十六兩二錢八分九釐九毫遇閏加銀六兩三錢
驛傳存雷除節裁充餉外尚銀七百零一兩八錢六釐三毫六絲內除原荒還銀三百零九兩三錢九分八釐六毫五絲七忽又除續還銀一百六十兩零七錢二分三釐四毫七絲五忽尚存徵銀二百三十一兩六錢八分四釐二毫二絲八忽遇閏加銀一十兩零五錢內除原荒還銀五兩二錢八分九釐七毫八絲六忽又除續還銀四兩三錢二分二釐六毫七絲四忽實存閏銀八錢八分七釐五毫四絲

海康縣

雷陽驛 在北門南坊

縣前鋪 鋪兵五名

瑞芝鋪 鋪兵四名

頭鋪 鋪兵五名

南渡鋪 鋪兵五名

南平鋪 鋪兵四名

中伙鋪 鋪兵四名

調亭鋪 鋪兵四名

將軍鋪 鋪兵四名

淳樂鋪 鋪兵四名

本縣驛傳存雷除節裁充餉外尚銀三百零二兩五分六釐六絲內除原荒還銀七十一兩零九分五釐四絲四忽續還銀一十一兩八錢四分三釐一毫五絲尚實徵銀二百一十九兩一錢一分一釐八毫六絲六忽遇閏加銀三兩一錢五分內除原荒還銀一兩九錢一分五釐四毫六絲三忽續還銀一兩二錢三分四釐五毫三絲七忽實存閏銀無

遂溪縣

城月驛 在城月村

桐油驛 在郭中拱辰坊東

大安鋪 鋪兵二名

永平鋪 鋪兵二名

牌竹鋪 鋪兵一名

縣前鋪 鋪兵五名

白土鋪 鋪兵二名

梧桐鋪 鋪兵二名

石橋鋪 鋪兵一名

司馬鋪 鋪兵一名

嚮水鋪 鋪兵一名

坡月鋪 鋪兵二名

淨坡鋪 鋪兵二名

下僚鋪 鋪兵二名

平岡鋪 鋪兵二名

自石城之清音鋪起下至縣城爲鋪四

太安中火十里至永平鋪

永平十里至牌後鋪

牌後十里至東門鋪

東門十里至白土鋪

自東門鋪起下至城月驛爲鋪六

白土十里至梧桐鋪

梧桐十里至石橋鋪

石橋十五里至司馬鋪

司馬十里至嚮水鋪

嚮水十五里至城月鋪

城月二十里至淨坡鋪

自城月鋪起下至平岡中火爲鋪三

淨坡十里至下僚鋪

下僚十里至平岡鋪

自城月驛西通廉州置鋪三以達於石城之橫

山堡每鋪二十里每鋪置鋪兵二名

城月二十里至金釵鋪

金釵二十里至橋頭鋪

橋頭二十里至赤凌鋪

赤凌二十里至橫山堡

縣額驛傳銀五百一十兩八錢四分三釐七毫七絲二忽

桐油驛支銀二百二十六兩七錢五分二釐

城月驛支銀一百三十四兩七錢七分五釐五毫

解府充餉銀一百四十九兩三錢一分六釐二毫七絲二忽

順治十四年奉頒全書除節裁充餉外尚銀一百八十四兩八錢六分四釐七毫六絲遇閏加銀三兩一錢五分內

城月驛支銀六十二兩三錢九分三釐

桐油驛支銀一百零四兩九錢七分一釐七毫六絲

議增城月桐油二驛添雇夫馬銀一百一十七兩五錢遇閏加銀三兩一錢五分

康熙十一年留支驛傳銀內除原荒還銀五十八兩三錢零四釐二毫七絲四忽閏銀九錢四分九釐六分四釐四毫七忽閏銀一兩七錢一分四釐七毫七絲五忽實留支銀三兩五錢九分六釐零七絲九忽遇閏加銀四錢八分五釐八毫七絲二忽如有不敷詳撥海康縣協濟

徐聞縣

踏磊驛 在海安所城中

英利驛 在縣北十六都

英利鋪 鋪兵六名

遇賢鋪 鋪兵三名

濂濱鋪 鋪兵二名

中伙鋪 鋪兵三名

二鋪 鋪兵二名

縣前鋪 鋪兵七名

海安鋪 鋪兵三名

大黃鋪 鋪兵二名

包籠鋪 鋪兵四名

縣原額驛傳銀四百七十七兩六錢零五毫踏磊驛支銀一百八十八兩七錢三分九釐零七絲一忽英利驛支銀一百七十九兩八錢七分零一絲一忽餘扣解府充餉銀一百零八兩九錢九分二釐至

皇清驛傳銀兩自兵荒遷界無徵并除節裁充餉外僅存十之一二矣康熙十年本縣驛傳存留除節裁充餉及荒遷外尚存徵銀八兩九錢七分一釐二毫八絲三忽遇閏加銀四兩二錢

雷州府兵制考

府志

副總鎮 雷改為府轅門左右鼓亭廳堂巍然宏壯

左營都司公署 係舊衛經歷司改在府治東

右營都司公署 係舊指揮舊宅改在北門關帝廟後

左營守備公署 係民房改建在府治東

右營守備公署 在北門朝北

海安營遊擊公署 在海安所城內離府二十里

遂溪營守備公署 在遂溪縣城內縣治西

白鴿寨守備公署 在白鴿寨土城內係舊欽總司

徐聞營守備公署 在徐聞縣城內縣治東

錦囊營守備公署 在所城內

以外千把各官住署或係民房建置或係公所改立俟查明補入

營制

協守雷州所屬地方專設副將一員係高雷廉總鎮所轄額設官兵五千三百六十七員名奉文除汰兵九百七十六名實留官兵四千三百九十六員名坐馬一百一十六匹內本協坐馬一十二匹戰馬一百八十八匹本協營轄七營

左營 都司一員坐馬四匹守備一員坐馬四匹千總二員各坐馬二匹把總四員各坐馬二匹原額兵一千零一十一名續奉文除汰兵一百八十七名實留兵八百三十四名戰馬九十匹

右營 都司一員坐馬四匹守備一員坐馬四匹千總二員各坐馬二匹把總四員各坐馬二匹原額兵一千零一十一名續奉文除汰兵一百九十八名實留兵八百三十三名戰馬九十匹

遂溪營 守備一員坐馬四匹千總一員坐馬二匹把總二員各坐馬二匹原額兵四百四十三名續奉文除汰兵八十一名實留兵三百六

十二名戰馬無

徐聞營 守備一員坐馬四匹千總一員坐馬

二匹把總二員各坐馬二匹原額兵六百七十

二名續奉文除汰兵一百二十三名實留兵五

百四十九名戰馬無

海安營 遊擊一員坐馬六匹守備一員坐馬

四匹千總二員各坐馬二匹把總四員各坐馬

二匹原額兵四百四十三名續奉文除汰兵八

十一名實留兵三百六十二名戰馬無

白鶴寨營 守備一員坐馬四匹千總一員坐

馬二匹把總二員各坐馬二匹原額兵五百二

十六名續奉文除汰兵九十六名實留兵四百

三十名戰馬無

錦囊所 守備一員坐馬四匹千總一員坐馬

二匹把總二員各坐馬二匹原額兵三百九十

六名續奉文除汰兵七十三名實留兵三百二

十三名戰馬無

海康縣東界臺

雙溪口炮臺一座 週圍闊一十八丈高一丈

六尺瓦屋三間茅竹營房一十六間

淡水港臺一座 週圍闊六丈高一丈四尺瓦

屋一間茅竹營房四間

赤尾嶺臺一座 週圍闊六丈高一丈四尺瓦

屋一間茅竹營房四間

調嶺港臺一座 週圍闊六丈高一丈四尺瓦

屋一間茅竹營房四間

西界臺

流沙港臺一座 週圍闊二十八丈高一丈六

尺瓦屋三間茅竹營房一十四間

洪排港臺一座 週圍闊六丈高一丈四尺瓦

屋一間茅竹營房四間

房恭港臺一座 週圍闊六丈高一丈四尺瓦

屋一間茅竹營房四間

英翎嶺臺一座 週圍闊六丈高一丈四尺瓦

屋一間茅竹營房四間

遂溪縣東界臺

海頭炮臺一座 週圍闊二十七丈高一丈四

尺瓦屋三間茅竹營房一十六間官房三間

北月港臺一座 週圍闊四丈八尺高一丈二

尺瓦屋一間茅竹營房六間

舊縣港臺一座 週圍闊四丈八尺高一丈二

尺瓦屋一間茅竹營房四間

庫竹港炮臺一座 週圍闊二十七丈高一丈

四尺瓦屋三間茅竹營房一十六間

西界臺

調建灣臺一座 週圍闊四丈高一丈二尺瓦

屋一間茅竹營房六間

官場港臺一座 週圍闊四丈四尺高一丈二

尺瓦屋一間茅竹營房六間

博里港臺一座 週圍闊四丈六尺高一丈二

尺瓦屋一間茅竹營房六間

調神灣臺一座 週圍闊四丈四尺高一丈二

尺瓦屋一間茅竹營房六間

草潭港臺一座 週圍闊四丈四尺高一丈二

尺瓦屋一間茅竹營房六間

下落港臺一座 週圍闊四丈八尺高一丈二

尺瓦屋一間茅竹營房六間

文體港臺一座 週圍闊四丈八尺高一丈二

尺瓦屋一間茅竹營房二十二間

羊脚港臺一座 週圍闊四丈八尺高一丈二

尺瓦屋一間茅竹營房十二間

徐聞縣界臺

青桐砲臺一座 週圍闊二十丈高一丈二尺

瓦屋三間茅竹營房一十二間官房三間

白盤灣臺一座 週圍闊四丈八尺高一丈二

尺茅臺一間營房四間

石馬嶺臺一座 週圍闊四丈八尺高一丈二

尺茅竹臺屋一間營房四間

東場港臺一座 週圍闊六丈高一丈二尺茅

竹臺屋一十一間木寨一座

討網港臺一座 週圍闊四丈八尺高一丈二

尺茅竹臺屋一間營房四間

三墩港臺一座 週圍闊六丈高一丈二尺茅

竹臺屋一間營房八間

白沙灣臺一座 週圍闊六丈高一丈二尺茅

竹臺屋一間營房八間

博餘港臺一座 週圍闊四丈八尺高一丈二

尺茅竹臺屋一間營房四間

鹽井港臺一座 週圍闊四丈八尺高一丈二

尺茅竹臺屋一間營房四間

調黎港臺一座 週圍闊四丈八尺高一丈二

尺茅竹臺屋一間營房四間
牛牯嶺臺一座 週圍闊四丈八尺高一丈二尺
尺茅竹臺屋一間營房四間
吳家港臺一座 週圍闊四丈八尺高一丈二尺
尺茅竹臺屋一間營房四間
海康縣烟墩
東鄉烟墩 至府五十里
烏石烟墩 至府六十里
調陳烟墩 至府七十里
臨沈烟墩 至府八十里
大臨烟墩 至府九十里
石頭烟墩 至府一百里以上俱係左營撥兵守
總埃烟墩 至海康所九十里
徒房烟墩 至海康所五十里
郎島烟墩 至海康所三十里
吳蓬烟墩 至海康所五里
博袍烟墩 至海康所二十里以上俱係海康所撥兵守
遂溪縣烟墩
芋村烟墩 至白鶴寨三十里
黎村烟墩 至白鶴寨二十里
北品烟墩 至白鶴寨八里
白鶴寨烟墩 至府五十里
北家烟墩 至白鶴寨十五里以上俱白鶴寨撥兵守
調建烟墩 至樂民所百零五里

抱金烟墩 至樂民所七十里
博里烟墩 至樂民所五十里
牛僚烟墩 至樂民所四十里
對樂烟墩 至樂民所三十里
田頭烟墩 至樂民所三十里
北竈烟墩 至樂民所一十二里
草潭烟墩 至樂民所二十五里以上樂民所撥兵守
徐聞縣烟墩
吳家烟墩 至錦囊所二十里
黃堂烟墩 至錦囊所三十里
博臘烟墩 至錦囊所五十里
博平烟墩 至錦囊所九十里以上俱係錦囊所撥兵守
博漲烟墩 至海安十里
紅坎烟墩 踏磊烟墩 那黃烟墩
西卯烟墩 齋輪烟墩 以上俱海安營撥兵守
包西烟墩 至徐聞六十里
下井烟墩 至徐聞三十里以上俱係徐聞營撥兵守
哨船
白鶴寨哨船大小共九十隻
海安營哨船大小共二十隻
雷地三面環海北枕叢山水陸交衝故武備不容不飭順治八年初定雷州罷鎮守參將革衛所指揮千百戶於雷州設協鎮副總兵一員置

左右都司左右都司各統有守備千把總於遂溪縣設守備徐聞縣設遊擊所轄千把總知之仍於舊衛屯糧設守備一員掌理其餘軍旗俱革海康海安樂民錦囊四所康熙三年裁遷八年展界未有定員俱雷協撥守備千把帶兵汛守
白鶴寨順治初設水師參將一員轄有守備千把總鎮守舟師屯通明港為雷州入海門戶要地巡緝內海應援錦囊遂溪吳川芷等水哨相接應康熙三年遷海罷白鶴寨八年復設今罷水師而設立哨船三隻海安營初設水師副將不隸協鎮於八年展界改設遊擊一稟令於協鎮焉九年復修造哨船一十六隻專防海汛本府 副將一員都司二員守備二員千總五員把總八員
遂溪縣 守備一員千總一員把總二員
徐聞縣 守備一員千總一員把總二員
海康所 雷協分撥千總一員把總一員
樂民所 雷協分撥守備一員千總一員把總一員
錦囊所 守備一員千總一員把總二員
海安所 遊擊一員守備一員千總二員把總四員
本府 兵二千一百零二名內抽撥兵二百零六名調入白鶴寨又抽撥兵八十二名調入海安營又抽撥兵四十六名調入乾體營尙實額兵一千七百六十九名分列左右二營駐劄府

城內撥官兵分防禦民所海康所汛地及撥防淡水調額各臺汛

遂溪縣 兵四百四十三名內抽撥兵十名調入乾體營尙實額兵四百三十三名駐防內撥官兵分防海頭北月嶺舊縣港下落洋脚文體各臺汛

徐聞縣 共官兵六百七十六員名內抽撥兵十五名調入乾體又抽撥兵二百三十三名調入海安營尙實額官兵四百二十八員名駐防縣城井內撥官兵分防石馬東場港封網白盤青銅流沙港各臺汛

海康所 兵三百名駐防井內撥兵分防房寮港口等臺汛

樂民所 兵四百名駐防井內撥官兵分防調建官場博里調神草潭各臺汛

錦囊所 共官兵四百員名駐防井內撥兵分防吳家港牛牯嶺藍井臺調利博除各港臺汛海安所 原額兵一千一百九十二名今新更營制議於雷協各營抽兵八十二名徐聞營抽兵二百三十三名調入本營通共實額官兵一千五百一十四名駐防井內撥兵分防白沙三墩臺汛

經制額派哨船二十隻內撥十四隻灣泊海安河下尚六隻分撥樂民港口該管配兵偵禦巡防

雙溪口臺 白鴿寨撥把總一員兵三十名防守

淡水港臺 雷協撥兵十名防守

赤尾嶺臺 兵十名防守

調嶺港臺 兵十名防守

清桐流沙二砲臺 徐聞營撥千總一員兵七十名防守

英翎臺 雷協撥兵十名防守

吳家臺 兵十名防守

牛牯嶺臺 兵十名防守

調黎臺 兵十名防守

藍井臺 兵十名防守

博除臺 兵十名防守

白沙臺 兵二十名防守

三墩臺 兵十名防守

白盤臺 兵十名防守

討網臺 兵十名防守

東場臺 兵二十名防守

石馬臺 兵十名防守

房寮臺 兵十名防守

調建臺 兵十名防守

官場臺 兵十名防守

博里臺 兵十名防守

調神臺 兵十名防守

草潭臺 兵十名防守

文體臺 兵十名防守

羊腳臺 把總一員兵三十名防守

下落臺 兵十名防守

急水西砲臺 千總一員兵六十名防守

烏兔臺 兵十名防守

龍頭臺 兵二十名防守

東村臺 兵十名防守

洪排臺 把總一員兵三十名防守

海頭砲臺 兵十名防守

北月臺 兵十名防守

舊縣港臺 兵十名防守

青桐砲臺 兵十名防守

雷州府物產考

府總

穀屬

早稻 二月種六月熟

早黏 熟種與早稻同

香秈 粒小性柔而味香

古杭 性柔大秈

珍珠稻 米稍圓而色潔

黏稻 赤白二種

百標稻 坡田種

黃欄稻 米極潤白

芮稻 二月種十月熟

界稻 出徐聞

山旱 砍山種

粳稻 光芒稻

烏芒稻 林稻 紅芒稻

黃黍 一名金黍

糯黍 飯黍 牛黍

府志

鴨脚粟 釀酒用

狗尾粟 一年二熟

大粟 一年一熟

小麥 九月種二月熟徐聞最多海康遂溪少

種

菜豆 豆粉用

烏豆 一名爵豆作豆豉

柳豆 枝葉似柳

紅豆 白豆

刀鞘豆

芝麻 香油即用此作

麻竹 笋甜可食

人面竹 近地數節密如人面

刺竹 笋可食

粉竹 可作器用

紫竹 鑒竹

青絲 包竹

木屬

香樹 頭結黑者為清香

楓 脂香可熟

榕 葉繁多蔭

枕榔樹 如檳榔子串珠

苦棟 有文理

樟 木香有文理

貓尾木 可制器

木綿 花紅實白似綿花可為褥

鷄骨香 鄉村多焚之

觀音柳 葉細取浸水服京

山桂 皮味似桂客家每混入藥賣

水楠 生於水邊其氣肖楠

天南竹葉 青楠

刺桐 柏

鶴木 桑楮

花屬 水松

茉莉 清香襲人

蘭 楚詞蘭葉長而花一蕙葉短而幹多花此

中所時者皆蕙也青苞者佳

山礬 一名春桂

月桂 亦名長春花類薔薇四時皆放

薔薇 紅白二種蔓生其花易謝

楊妃蘭 葉似月桂一名密友

含笑 一名紫笑色紫清香

佛桑 似木槿而瓣小

萱 一名忘憂草即鹿葱

淑英 色白似茉莉而尖小

紫薇 葵花

醉醺 郁李

七里花 水仙

鋪錦 羅漢蘭

海楊梅 珍珠花

草屬

九里明 煎水可療瘡毒

鳳尾 搗汁愈痢

車前 可利小便愈白濁

菖蒲 五月取浸酒飲以去毒曰菖蒲酒

馬鞭 形如馬鞭故名

稀簽 一名苦草煎水洗毒用蜜製九九蒸九

曬服之解毒降火固精延壽

蔓陀蘿 花白漬酒飲之令人發狂

鴨脚 可製藥治痢

石蓮蓬 治癰

猪耳 即車前

萋 即扶藤合檳榔食之出錦囊所者佳

斷腸 極毒人嘗之立斃

長生

莎

草撥

疏屬

蒼蓬 即甜菜本草云莖灰淋汁浣衣白如玉

色

薔菜 蔓生花白莖虛種出東海外始以薔盛

至故名薔

苦蕒 詩言采芑是也

紫背 產於海

菰 山氣遇雨輒生最大者不可食

土苺 和米粉蜜煮解暑

積 有四種旱積生於高山東積麩積生於澤

藟積生於早坡

白芥

紫芥

粹菜

菱笋	猪鬃	鹿角
羊角	燉脚	浮藤
雙筋	海粉	石粉
青苔	生海中	
薯	徐聞多	
果屬		
檳榔	產瓊州徐聞間有之	
柑	有扁柑珍珠柑饅頭柑	
蔗	有數種臘蔗牛腿蔗烏脚蔗芥蔗可煎爲糖	
荔枝	產徐聞者大而美	
龍眼	產遂溪北海者最甜	
金橘	可浸蜜善製者葉青而不變	
胭脂子	皮淡綠穰紅味酸甜似胭脂故名	
楊梅	山中生三月結實	
餘甘子	圓如龍眼味似橄欖產遂溪	
楊桃	五稜味酸	
瑪瑙	味甘迺酒用	
椰子	瓊州來者多	
胡桃	可作油	
波羅蜜	樹高生子圓有刺附枝幹生者大味甜性最熱	
毛韶子	狀似荔枝殼毛味酸	
槌子	歲饑可茹亦可造酒	
山竹子	似菩提色黃味酸亦可蒸酒	
稔子	六月熟蒸酒味極佳	
藥屬		

白丁香	車前子	蓖麻子
鬱金香	螺蛳	香附子
斑貓	白芨	芭豆
蒼耳	蛇蛻	海馬
艾	天門冬	蟬蛻
山總管	三籜	海桐皮
百兩金	荊芥	益智子
黑牽牛	天南星	百部
麥門冬	半夏	橘紅
木龍	皂莢	蛤蚧
茴香	烏藥	忍冬
蜂房	虎骨	菖蒲
草茂	柳豆	茺莢
仙茅		
貨屬		
葛布	棉布	路圖布
苧麻布	青絲布	黃麻布
虎皮	狸皮	鹿皮
獾皮	豹皮	牛皮
鹿皮	山狗皮	鯊魚皮
南蛇皮	山馬皮	絲綢
水綢	絲經	蜜
黃蠟	吉貝	翠毛
青石		
禽屬		
鵲	翡翠	書眉
百勞	叫天兒	

獸屬	獺	山犬
豚猪		
魚屬		
海龍翁	鮑	塘虱
赤魚	紅花	朝天
扁魚	虎鯊	鹿鯊
鋸鯊	海狸	白帶
黃魚	蟾白	金鯽
尖嘴	黃齊	鯽
海猪	馬膠	金錢花
介屬		
蠟	蠟	仙人掌螺
指甲螺	紅繡鞋	香螺
馬蹄螺	珍珠螺	車螺
蜆	血螺	白螺
龍蝦	蟹	
蟲屬		
蝻蛇	青蛇	佛蛇
兩頭蛇	土綿蛇	簍箕

雷州府古蹟考 府志

本府 海康縣附郭

古合州 漢元鼎始以徐聞得名州治無考至梁大通間改為南合州在特侶塘邊唐天寶二年遷麻歷村貞元初復遷特侶塘舊址後梁開平四年遷於平樂白院村南漢乾亨二年復遷特侶塘舊址乾亨十三年遷今衛治元至正間遷今府治

海康縣故址 自隋建置今在雷州衛治為古縣至南漢乾亨十三年州遷縣治縣治遷於西澄清坊元至元十六年又以縣治設雷州路縣遷改不定泰定元年在城南隅豈弟坊明洪武二年遷府治後其遺址為軍營

雷川縣故址 在海康縣附志大業初廢模落阿羅富川三縣入海康縣

縣尉司故址 宋時在西門外一里元遷南門外開元寺西

廉訪司 元改海北海南道為廉訪司今為府治

宣慰司故址 今衛治

鹽課都舉八司 在東北隅安仁坊明洪武初去之舊址改為軍器局

錄事司故址 在鎮寧坊宋設兵馬都監掌夜禁元至元十七年改為錄事司

海北鹽課提舉司 舊在雷州府明洪武初遷石康縣

司獄司故址 在安仁坊即宋司理院

蒙古學故址 在南門外開元寺西

清道巡檢司故址 在那藤村

黑石巡檢司故址 在第一都新村

雲章閣 宋郡守李皎建於府學明倫堂後今廢

貢院 在海康縣西南二百步內桂華坊宋嘉熙中改建於郡西鄭晝有記今廢

水軍寨 在城南宋置屯兵備禦海盜秦侃有記遺址今廢為民居

澄海指揮營 宋建今為民居

牢城指揮營 遺址尚存

清化指揮營 在貴德坊今為軍營

兵馬司 在鎮寧坊今址尚存

萬六軍 即萬戶府故址在安仁坊今為關王廟

平準行用庫 宋水利軍故址在貴德坊

惠民藥局 在府治東南中正坊後廢郡守洪富以易民地開學路

商稅務 故址在觀音閣前

風師壇 故址在城西門外明萬曆三年遷城北英靈岡

雷雨師壇 故址在雷廟三殿前

將軍馬驛 舊在南界村元至元間始建因二石如將軍故名明成化間併為英利驛址存

雷陽馬驛 故址在城內西北隅迎恩坊後遷北隅安仁坊明洪武三年遷為今驛遺址為海南道

遞運所 址在那盧坊明弘治間裁革

廣積倉 故址在城東元初創明洪武遷今倉址為軍營

貢士莊 宋郡守薛直夫捐資及郡人樂助者買田百餘畝為貢士莊凡遇舊舉子會試盡所積以贍元延祐以後雷士合試於湖廣省亦用此資給宋余炳有記

東亭 久廢

思亭 在海康縣東南舊州治內今衛治是也宋至和元年郡守張紘創建以亭在良方取易艮卦君子思不出其位名其亭自為文以記後張杖又有記亭久廢

愛蓮亭 舊在郡學射圃更名曰荷水

嘉會亭 址在府治宋時建今廢

弭節亭 郡守李皎建今廢

望雲亭 在南門外即南亭坊宋郡守何庚開西湖渠引水南下東趨灌洋田邦人建之久廢

觀稼亭 在東洋坡上宋守薛直夫建之後廢

元郭思誠移創城上今圯通志云明弘治間指揮宋賢建於城外東北園上

歲寒亭 在府治後園元廉訪使孫澤立元末圯明成化壬寅郡守魏瀚重建

接官亭 在北城外那盧坊今廢址存

舒嘯亭 在偃波軒側圯壞今建

清政亭 在縣南惠民坊橋上明洪武初建今圯廢

清味亭 在縣西南城外二水合流通大溪樹